

Por odëi co s'arjigné **ca ales lites de comun de má dl 2020**,

inviëia i aconsiadus de comun da **San Martin** en dedolönesc, 4 de forá, dales 20.00, tl salf de comun düc chi da San Martin che ess interes da sté sön lista,

inviëia i aconsiadus da **Lungiarü** en jöbia, 6 de forá, dales 20.00 tl salf dles Uniuns "G. Costa" düc chi da Lungiarü che ess interes da sté sön lista.

Racoiüda de **refodam da tosser** (patris vedles, lach, öri, bossi de sprai, löms neon, medejines, refodam che contëgn FCKW) da pert dla firma Eco Eridania:

Dedolönesc/Mertesc ai 04/02: *San Martin, magazin stödafüch - 9.00 -10.00*

Lungiarü, magazin stödafüch - 10.15 -11.15

Le QUIZ pó gní dé jö cina en domënia, ai 2 de forá, tla lada apé de dljia.

Le Radio dla Cöra, lié al Radio Sacra Famiglia dla diozeja, prëia dër bel do n contribut. En chësta domënia di massmedia, 26 de jená, ciafëise na cassëta por dé na oferta. An pó ince instësc dé sostëgn ia por l'ann por banca: Conto Corrente Postale: 11277399 IBAN: IT36L0585611603052573727028

SAN MARTIN: Benedisciun de San Blaje por i mituns: en lönesc dales 14.15

LUNGIARÜ

Al vëgn indô perié do le contribut por le mone che pó gní paié ite te colonia en chësta y l'atra domënia ai 26 de jená y ai 2 de forá, do la gran mëssa. Le mone nes fej n gran sorvisc y é dagnora dan man da vigni funziun de dljia.

Bel dilan dles ofertes fates en recordanza dl defunt Pire Clara:

da fam. Sorà Davide, fam. Sorà Angel y Maria, da fam. Clara Paul y Oliva, da fam. Clara Berto y Lidwina, dal Cor de dljia, fam. Clara Elmar y Astrid cun colauradus y da Nane Clara.

Sorvisc ai Jogn VB y Consëi Formaziun Badia, tëgn ai 19 de forá dales 17.30 tl Zënter dla jonëza y dla cultura SaJ.un a La lla na sëra de workshop y informaziun da cujiné por geniturs cun la dietologa Dr. Ivonne Daurú Malsiner.

"Ci é pa na alimentaziun sana y co pói pa iö ti la pité a mi mituns?" Cost 15 €; prenotaziuns tl Sorvisc Jogn Val Badia 0474 523 070.

Le Zënter sozial La Spona – Comunità Comprensoriala de Puster - chir da forá/merz inant na educadëssa/n educadú, na pedagoga/n pedagogh sozial/a al 50% por la comunità d'abitaziun. Le laur é dantadöt domisdé, dal lönesc ala jöbia. Info: 0471 843 060 y damanede do la responsabla Sabine Federa.

Döt le bun a chi che complësc i agn de forá

San Martin Tile Dapunt Pedevilla che nen complësc 85 ai 16
Oliva Winkler Vanzi che nen complësc 83 ai 18
Sepl Frenner che nen complësc 82 ai 19
Anna Pedevilla Planatscher nen compl. 82 ai 24



Lungiarü Gino Liotto che nen complësc 87 ai 2
Albino Dejaco che nen complësc 80 ai 6
Severina Costa che nen complësc 89 ai 7



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - klsottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194

26.01 – 02.02.20 nr. 9

ultimo termo por comunicaziuns: jöbia dales 20.00



3^a DOMËNIA IA POR L'ANN - A DOMËNIA DLA PARORA DE DÎ

Vangele do Matî 4,12-23

Da dailò inant à Gejù metü man da incundé:

Convertisse! Deache le règn dl cil é daimprò.

Tratan che Gejù passà dlungia le lêch de Galilea,

àl odü dui fredesc, Scimun, nominé Pire, y so fre Andrè,

ai ê dër tl sciuré fora la rëi te lêch, ciodich'ai ê pesciadus.

Y al ti à dit: Gnide do a mé! I fajarà fora de os pesciadus de jënt.

Atira ài lascè dailò sües rëis y ti é jüs do.

Da jì inant àl odü dui d'atri fredesc,

Iaco, le fi de Zebedeus, y so fre Jan;

ai ê cun so pere Zebedeus te barca

y arjignâ ca sües rëis.

Al i à cherdè, y atira ài lascè la barca

y so pere y ti é jüs do a Gejù.



Gejù surantol les parores de Jan Batista: "Mudede ci ch'i èis imënt y osta vita."

I pröms che l'à fat vëgn nominá chiló por inom. Gejù se chir compagns, porsones arjignades da sté ite por le règn de Dî. Ai ne s'imaginëia nia ciamó tan ri ch'al sará, mo ai é plëgns de speranza. Mo speranza te ci pa?

Chël che ascuta Gejù y müda sües intenziuns y súa vita le fej cun speranza.

Cun la speranza nia ma te n'atra vita, mo te deplü vita, te vita en abundanza,

che n'é nia da ciafé zënza Gejù. Insciö sarára stada pro i pröms apostui,

y insciö éra ince pro düc i discepui y les discepoles che ti vá do a Gejù.

Al é chës porsones che l'ascuta y che ti vá do,

che ne s'acontentëia nia ma cun la tera,

che ó odëi le cil daverd amesa súa vita.

A chi che se mët al sorvisc dla jënt tl inom de Gejù, se deura n cil lisier sura ëi.

EDEMA LITURGICA	SAN MARTIN	LUNGIARÜ
26.01.2020 DOMËNIA DLA PARORA DE DÎ <i>Festa de S. Ojöp da Oies</i>	9.00 Corona 9.30 Gran Mëssa dla comunité cun intronisaziun dla Sacra Scritöra en onur de Sant Ojöp Freinademetz Novëna a Sant Ojöp da Oies	7.55 Corona 8.15 Gran Mëssa dla comunité cun intronisaziun dla Sacra Scritöra en onur de Sant Ojöp Freinademetz
27.01.20 Lönesc <i>Angela Merici, Manfred</i>	14.30 Mëssa de sopoltöra de Sepl Flöss (d'Arzó) a ciasa Novëna a Sant Ojöp da Oies	
28.01.20 Dedolönesc <i>Tomesc d'Acuin</i> OIES: 20.00 Devoziun a S.Ojöp <i>cun le Cor da Lungiarü</i>	19.30 Mëssa vis y def. families Prousch y Perathoner + Maria Crazzolara, Pedagá por les püres Animes Novëna a Sant Ojöp da Oies	
29.01.20 Dedemesaledema Sant Ujöp Freinademetz OIES: 16.00 Mëssa solëna 20.00 Mëssa ciantada	19.30 Liturgia dla Parora en onur de Sant Ojöp Freinademetz	7.30 Mëssa ++ Chiusura por les püres animes arbandonades
30.01.20 Jöbia <i>Martina, Serena</i>	7.30 Mëssa di scholars +++ Sepl, Sabina y Milio Flöss ++ Conte y Monti ++ Pire y Maria Unterweger Corona por vocaziuns	
31.01.20 Vëndres <i>Giovanni Bosco, Eujeb</i>	18.30 Adoraziun chîta 19.00 Adoraziun deboriada	7.30 Mëssa ++ dla fam. Carlo Castlunger ++ Milia y Nisio Clara dl ann + suor M. Regina Costa
01.02.20 Sabeda <i>Brighita, Giovana</i>	15.30 Mëssa tla Ciasa de Palsa 18.30 Mëssa prefestia families de Alfred Verginer de reng. dl ann + Ida Verginer Clara ++ fam. Paul Sorá, Pespach + Paul Ploner (dl ann)	20.00 Mëssa prefestia dedô Benedisciun de San Blaje + Carlo Planatscher ++ Franz y Giovanni Costa dl ann + Veronica Costa dl ann + Franz de Ghestan dl ann + Pire Clara, Mair + Cecilia Daporta vëd. Pezzei
02.02.2020 PRESENTAZIUN DL SIGNUR <i>De dla vita consacrada y</i> <i>De dla sconsanza dla vita</i>	9.00 Corona dla Uniun por + Sepl Flöss 9.30 Gran Mëssa dla comunité cun benedisciun dles ciandëres y benedisciun de San Blaje 2 ^a de sopoltöra de + Sepl Flöss	7.55 Corona y Benedisciun de S. Blaje 8.15 Gran Mëssa dla comunité cun benedisciun dles ciandëres en onur de Sant Ojöp Freinademetz



DOMËNIA DLA PARORA DE DÎ

Da Sant Ojöp podunse imparé da ascuté la Parora de Dî, da la tó sö y da vire aladô. A Ojöp ti êl resté imënt les parores dl profet Ieremia ch'al â aldí da studënt te na pordica ia Porsenú: "I mituns prëia do pan, mo al n'é degügn che ti al rump." Y canch'al les â ciamó n iade aldí tles Lamentaziuns dla funziun dl Vëndres Sanc, ti ê chëstes parores jüdes tan a cör, ch'al ti â dît a n so compagn de n per d'agn plü vedl: "Aste aldí de ci che le profet Ieremia baudia? Parvuli petierunt panem... Chisc é incö i püri mituns di pagans. Ai prëia do le pan dla verité, mo al é ma püc nunziadus dla fede. Sc'i podess pô diventé n te nunziadú."



A San Martin periâ le caplan Ojöp da Oies dassënn do süa vocaziun. Al aldí la cherdada dl Signur, y dijô de scé. "Paratum cor meum - mi cör é arjigné!"